

彌勒州志卷之五

疆域附形勢

彌邊隅也東廣西南阿迷西寧州北路南中
閒巉巖相絡夷獮交錯控制撫御厥惟艱哉
守土者宜人情合土俗凡敬農勸教緝盜安
民諸政一一經理而籌畫之俾德澤涵濡風
聲鼓動茫茫疆索永奠於坤維矣詳覽形勢
包原險阻通道咽喉環山帶河之壯實與封
界相繫屬云志疆域形勢附焉

彌勒州志

卷之五

疆域

三

彌郡東去南去滇省三百里

東至本府界二十五里

南至臨安府阿迷州界一百五十里

西至臨安府寧州界一百里

北至本府界二十里

東南至廣西府界二百六十里

西南至寧州界二百六十里

東北至本府界三十里

西北至澂江府路南州界五十里

形勢附

川原壯闊山水雄奇北距圭嶺南阻巴盤東
有曲部之險西有阿欲之雄蛇花口革泥關
兩山夾澗壁削插天真天險也其東西南三
面盤江圍遶滌漩勢如襟帶臨激接壤交廣
通衢險阻完密號金城焉

彌勒州志

卷之五

疆域

五